

清·朱楚芬 撰

痘疹集成



清·朱楚芬 撰

痘疹集成



痘疹集成·解題

清·朱楚芬撰。成書於道光十七年（公元一八三七年）。

朱楚芬，字芭濱，號破愚齋。苑寧人。

此書四卷，後附二卷，又名《麻疹集成》，爲兒科醫著。今收錄卷四與本草藥相關之藥論，計十一論。

今據清·道光十七年（公元一八三七年）破愚齋刻本影印。

（劉國堂）

破氣藥論

氣領毒而出者也毒盛則氣爲所制閉塞而不能暢達何以領毒乎破氣者破其閉結使得以暢達也獨不慮損真氣乎蓋氣爲毒制不破其結則真氣爲其消耗所謂亢則絕者是也迅利之藥其性雖雄有受之者矣開痘疹集成

卷四

三言

其結聚之熱而真氣鼓蕩自能透發痘有不起者乎故精選破氣之藥列之於左以備採擇焉

大黃 生用直下酒炒並利胸膈九蒸則上行頭目陳醋煮之能破肝經之積紅花煮之能開血分之瘀所謂以行氣之藥而兼能奏功於血分者此也

青皮 肝氣鬱結必橫格於中而脾氣亦不暢發痘何以起乎重用之以開肝氣而中氣亦暢則囊壳自然充肥青皮所以爲起痘之妙品然亦能大損中氣不可不知

山查寬氣道而鬆痘毒且能破血中之滯氣

枳壳 肺管胸膈大腸皆肺主之一氣相迫只壳能從肺管吹之使開而直通大腸利氣之妙品也去脹消痞化痰止嘔皆氣降故也

枳實 常行肺與大腸之氣與枳壳同氣虛者審用

厚朴 下氣寬膈能洩胃實氣分之葯治者畏其溫燥而不敢用不知胸膈滿脹非此不除雖溫而能散須姜炒

桑皮 利膈止嗽定喘化痰氣降故諸症皆平尤長利

痘疹集成

卷四

二百十一

水

前胡 散風熱止嘔定喘胸膈煩悶者佐人黃以下之
兵部 降至高之氣墜諸葯下行痘中日症非兵部不能散其蒙閉又爲去障磨翳之聖葯以其能開氣結也雄者佳磨汁用見火則無功

烏藥 理七情之鬱結解諸氣之凝滯最宜於脾氣疝氣以其能利小腸之氣而下行也其性辛溫故痘家忌用然溫而能散佐牛夕而利下部之氣必不可少
赤芍 散結利水療毒壅之膈痛化小腸之結聚熱結

膀胱小便不通非此不除故爲痘症至要之品也

玉金 豁心痰開心鬱痘中心火太盛舌爛生瘡導君
火下降佐以玉金則鬱開而火散其功倍捷於昌蒲
耳

調氣理氣藥論

毒結氣分者必破其結又或虛中有滯概用破氣之藥
是損其真氣也調之而氣自開理之而氣更健故精
選調氣理氣之藥列於左

香附 解中宮鬱結之氣而使之暢達痘中有中氣不
痘疹集成

卷四

二五三

暢而不敢破者用此以調之

白芍 能斂能散肝經之藥主調和血中之氣者也人
畏其斂而不知能活肝經之氣酒炒能調生用能破
麥芽 消麪食啟脾進食寬中氣而消積

藟子 下氣消食和中化痰治胃口之吞酸除腹中之

脹滿

陳皮 溫胃消痰能降能散能補能消

砂仁 和中消食痘後中氣不足而有滯者宜用

藿香 痘後胃虛不食佐砂仁能安胃進食

木香 化脾與大腸之滯氣痘後中氣虛滿腹脹非此
不消

氣分升發表散藥論

痘當內外兼治不解肌表是閉之也不發其鬱結是遏
之也痘之出而不快長而不充職是故耳爲之解其表
邪則竅利發其遏鬱則勢暢攻而帶表帶散不至使中
氣餒而不振者升發表散之妙也故爲之列其藥于左
桑虫 性溫柔而和緩用以發痘最爲平穩鮮者佳

葛根 專主胃經能散能透如鉄唇掀唇重用石膏以

痘疹集成

卷四

一百十四

佐之凡毒結陽明者始終可用

川羌 端行一身之筋骨而能透毒不拘痘前後皆可
用

生芪 從肺經而達於肌膚故顆粒不起而熱勢和平
者可用之以催發

白芷 主散陽明之風熱而止眉稜骨疼故能由印堂
而上達以催發天庭之痘兼入肺經更有排膿之功
僵蚕 散風邪達肌表止痘痒乃陽明之藥也亦上行
頭目而有催漿排膿之功

山甲 能透發隱伏之毒性至烈易於起泡香油炒之
去其燥性再用涼藥標之不過三四分足矣不可過
用

蟬蛻 內開腠裏外散風熱發痘止痒除目翳

葦笋 胃家藥也透發催痘和緩而不燥大能止嘔

大力 散風熱利咽喉解肌透表肺家藥也

白雄雞湯 味甘而性純陽最能發痘且潤而不燥煮

占米飯令孩食之不可入五味

柴胡 散血中之熱解表邪而上行頭目痘家因其上

痘疹集成

卷四

二百五

行而忌用焉若肝經鬱熱非此不除

防風 散周身之風濕痘出不快或火鬱皮毛者佐清

涼之味而表散之上焦用稍

桔梗 升而能清發而能散痘家以爲引毒上升誤矣

鈎藤 散肝經之風熱定驚悸而舒拘攣痘犯驚搐者

宜

芫荽 性辛而散最解表邪有鬆肌透毒之功

麻黃 辛溫上浮非盛寒之時風邪束閉切不可輕投

水片 微溫散鬱火故佐地龍豬尾血以開竅發散也

氣分溫補平補藥論

氣分虛寒不能領毒痘何以起脹貫漿乎或真陽不振或氣分不充用保元培補助正卽所以驅邪或痘後氣虛瘡痕潰爛非補不能奏功故選溫補之藥列於後

人參 能回元氣於無何有之鄉

附子 非四肢厥逆真陽幾脫者不可輕投

燕窩 甘溫入脾色白入肺發不足之痘最妙

肉桂 真陽几絕四肢厥逆者可酌用之餘不可輕投

炙芪 固中氣入脾而托已潰之瘡痘症中氣不足可

痘疹集成

卷四

三百七十六

酌用之痘後元氣虧或疔瘡痘癰潰爛不長肌肉與

瘡不收者最宜

北沙參 補五藏之陰專主潤肺痘後久嗽肺燥宜之

破血藥論

血載毒而出者也毒盛則血爲毒制而不能流通何以載毒乎破者破其積聚使得以淮輸也不破其結則真陰被薰炙而涸矣何能起脹而行漿乎故選破血之藥列於左

豬尾血 流通之性無微不至能破已凝之血功速而

至大小入冰片香能利竅用細絹濾之須溫服非蓋許不可少則不效

歸尾 全歸活血而不走歸尾破血而下行用酒洗

桃仁 能破肝經之積血連皮尖而生用之破瘀之功捷而大去皮尖炒研稍緩

生牛夕 凡痘症下部之血不活者牛夕引破血之味而下攻之則無不破之瘀矣

地龍 性沉而涼凡血分隱伏之毒能透而能活去腹內之泥水洗入冰片少許白項者佳

痘疹集成

卷四

三百七

地丁 涼血破瘀能透血分隱伏之毒紫花者佳雙尾

不用佐紅花能破痘之黑陷

蘇木 三陰經血分藥也最能破瘀血而兼發散風邪

之妙積血者肝也生風者亦肝佐勾丁而治拘攣破血散風而筋自舒也

涼血活血藥論

血爲毒錮破之宜矣若血分燥涼解之而熱可除血分滯調活之而血滯自開直投破血之味是損其真陰也審度於涼血活血之間而調理之可矣故選數味列於

左

生地 心腎葯也痘中涼血之聖葯潤燥無雙

紫艸 心胞及肝經葯也痘犯紫滯用此以涼之活之而自變紅潤輕鬆者佳

丹皮 入肝經兼清腎經之熱涼而能活故消瘀而無凝寒之害涼血之妙品也

紅花 能去血分灰黯之色少則活多則破

當歸 全能活能破血不足而有滯者宜

槐花 性寒痘犯鎖肛大腸結熱者宜之

痘疹集成

卷四

二百六十八

蒲黃 引血歸經之葯也炒黑止血生用涼血消腫痘

犯鼻血不止重用涼血降肺之味佐以黑蒲黃則歸經矣

地骨皮 微寒耑燎骨蒸以其能涼血中之虛熱也洗

淨用土炒

益母艸 行氣活血而性不峻入肝經清熱而疏利故血質瞶神者用之至妙

血分升散表發論

升發表散從氣治之者也以氣主升散故也然氣分有

風寒血分獨無風寒乎氣分有伏火血分獨無伏火乎發之散之仍宜從血分治之然葯味甚少錄數味列於左

荊芥穗 能散血中之風熱徹上徹下故有消斑快毒鮮肌潤燥之功炒黑則有涼血止血之功

川芎 性辛溫肝家葯也上行頭目下行血海血分上下中通和之品而能散血中之風然痘中目病非川芎不能從肝經散其風熱莫畏引毒上升而棄其妙用也

痘疹集成

卷四

二百十九

獨活 入血分舒筋活絡痘後餘毒流注骨節筋絡者以之佐鮮毒之葯而搜血分中之風熱則毒散而腫消矣

秦艽 除陽明胆肝之風濕養血舒筋理肢節治拘攣血分中搜風之葯也痘後或筋強而血結硬者以此舒之則血活而筋骨自和矣

血分溫補葯論

血分有毒涼之沽之無容疑矣若血分虛而不榮寒而不振何以載毒而出乎必以溫補之味培其生發之

源而真陰可保或以平補之品助其滋養之功血得補而能載毒得載而能化補血卽所以化毒也故選數味列於左

大熟地 大能資補腎水爲生血養血之上品痘中非血分甚虛賴此滋補者不可輕投

鹿茸 秉純陽之性一身之氣血獨角爲至健而茸則尤精華也血分虛寒血中之陽不足也痘症患此用之而痘卽峻發漿勢自充血分有火者不可輕投

山茱萸 補肝血濇精固腎能斂肝腎之血收其渙散痘疹集成

卷四

二百十

以補其津液酒蒸用之

當歸身 血分中平補之要藥虛洩者忌之

阿膠 肺肝之藥也有止血養血之功又燉血中之風澤蘭 肝脾藥也芬芳悅脾可以快氣疏利悅肝可以行血流行榮衛潤澤肌膚痘後血不足而肌膚乾燥者酒潤蒸用

丹參 補心血養神志有生新去舊之功

清火利水藥論

在氣分日攻毒在血分日涼血純氣血兩分之熱而除

之曰清火利水卽清解之妙用也

黃連 渴五藏之火而專主心經可以生用同吳萸炒則入肝胆而明目姜汁炒則入胃與大腸而除熱痘家每遇燥烈之症率皆用之殊不知其疑寒肅殺之性非舌擾不寧與舌爛生瘡者不可輕投

石膏 陽明藥也亢陽烈火非此不除然必佐葛根以散之庶不至伐生生之氣矣審症煨用亦可

滑石 清三焦涼六府化暑氣解煩渴上利毛髮之竅下利精溺之竅又利六府之秘塞豈止利便而已乎

痘疹集成

卷四

三十一

犀角 寒酸而苦痘中心經火盛謔語若狂者宜之

胡連 入心兼瀉肝胆姜汁炒之能瀉臟毒痘犯囊腹黃肌者可用以佐大黃黃芩而下之

黃芩 枯芩清肺黃芩清大腸痘犯咽喉不清及鎖肛者二芩並用

苦參 痘症毒結陽明胃口熱極而不思食與乾嘔不止以之佐石膏乾葛而除熱其奏功至速並治積熱

下痢

胆草 痘毒結肝經肝熱則胆亦熱而驚悸不寧或胆

熱流注膀胱而赤濁不止宜少用以清胆經切不可
多以太寒故也

山梔 性輕上浮瀉肺能引屈曲之火下行以其清金
而利水熱從小便去炒黑清虛熱

元參 清腎經之火歛浮游之熱消斑疹利咽喉明目
清火而不過涼忌銅器

山豆根 除風熱療咽疼佐大力用之

川貝母 微苦寒主治肺經之熱痰粘米同炒

麥冬 清肺中伏火解心經煩熱潤燥止渴

痘疹集成

卷四

二百五

竹茹 安胃止嘔解肌膚之熱 竹葉清心利水降肺

生津

天冬 微寒清肺熱止嗽定喘去心用

蘆根 治胃熱火逆之嘔嘔能止渴

菖蒲 利胞絡之痰通竅出音虛失音最宜

甘艸 解百毒清心火消腫利水止陰莖之疼故痘犯

囊腫者重用之

木通 清心利濕熱從小便出細而白者佳

澤瀉 微寒熱結膀胱者清理最妙